

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 708 del 20/03/2026

Manà fora su Trentino Tv l program l vegn endrezà dal Comun General de Fascia

“Pedies”: con en sabeda ai 21 de mèrz vegn fora la puntata #530 del program ladin per la televijion

[Ladino] Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata n. 530. I argomenc de chesta puntata l é l’inaudazion de la neva Cèsa de la Comunanza a Sèn Jan, la 30eisema edizion del Dolomites Ski Jazz e l bilanz de la sajón del hockey fascian.

Te Fascia, ló dal Distret Sanitèr a Sèn Jan, l é stat inaudàla neva Cèsa de la Comunanza, n lech pont de referiment per duc i besegnes de la persona, tant dal pont de veduda sanitèr che sozièl e assistenzièl, con n endrez più coordinà, olache pel se oujert sentadins e ghes.

L Dolomites ski jazz l é ruà a sia 30eisema edizion, apuntament de nonzech per l jazz te nosc raion, aprijià per la musega semper ezelenta, i lesc da marevea e n contest aiegher. Con 27 conzerc te 10 dis e lesc desferenc, ence chest an l festival del jazz à abù n bel suzes, apede ence n viac te l’Argentina col tango del grop Cûr di Veri.

L’hockey fascian, coi Fassa Falcons e sia neva gestion, l é stoltz de la sajón tant che serèda su. Resultac positives e sodisfazioni da pèrt di jiadores, del staff e de dut l diretif. Na sajón che à fat crescer tant la squadres di bec e joegn, che ades tol ite più che 100 atlec, che la gaissa de la comunanza che va al stadie a tegnir su i colores bienc e brugn.

I reports de chesta setemèna i é stac enjigné e porté dant da Angela Pederiva e Riccardo Zanonèr.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol, “Pedies” l va fora su **Trentino Tv – canal 10 Prov. de TN**- vigni sabeda da les 18.00 (sie da sera), de domenia da les 13.30 (mesa la does domesdi) e de lunesc da les 11.30 (mesa les doudesc).

L program l va fora ence su **AltoAdige TV – canal 11 Prov. de BZ** - vigni domenia da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

La puntata de chesta setemèna la vegnarà fora entorn la medema ora de la televijion.

Se pel veder i report un a un su la piata Facebook de TV Ladina:

<https://www.facebook.com/TelevijionLadina>

Traduzion di Servijes Linguistics e Culturèi del Comun general de Fascia

(cdt)